



福州等覺禪院住持傳法廣慧大師達杲收印

經板頭錢恭為 今上皇帝祝延

聖壽闔郡官僚同資祿位彫造 廣燈

錄一部計三函 時大觀三年正月日 謹題

天聖廣燈錄卷第七

唐朝祖師五人

第二十九祖慧可大師 第三十祖僧璨大師

第三十一祖道信大師 第三十二祖弘忍大師

第三十三祖慧能大師

第二十九祖慧可大師者茂牢人也姓姬氏父寂未

有子時嘗自念我家崇善豈無令子禱之既久一夕
感異光照室其母因而懷妊及長遂以照室之瑞名
之曰光自幼志氣不群博涉詩書尤精佛學不事家
產好遊山水即抵雒陽龍門香山寺依寶靜禪師出
家受具復遊講肆徧探大小乘義年三十二即返香
山忽有一神人謂曰將欲受果何滯此耶大道非遙
汝其甞矣光知神助因改名神光翌日覺頭痛如刺
其師欲治之空中有聲曰此乃換骨非常痛也光遂
以事具白于師々視其頂骨即如五峰秀出矣乃曰
汝相吉祥當有所證神令汝南者斯則少林達磨大

士即汝之師也光受教造于少室其得法傳衣事跡
達磨章具之矣自少林詫化西歸大師既闡真風是
求法嗣至北齊天平年中有一居士不言名氏來設
禮而問師曰弟子身纏風恙請為懺罪師曰將罪來
與汝懺居士云覓罪了不可得師曰與汝懺罪竟居
士即投師出家受具宜名僧璨自茲疾已經三年師
乃告之曰菩提達磨遠自竺乾以正法眼藏密付於
吾今授汝并達磨信衣汝當守護無令斷絕聽吾
偈曰
本來緣有地 因地種華生
本來無有種

華亦不能生

大師付衣法已又曰汝受吾教宜處深未山可行化
當逢國難絜曰師既預知願垂示誨師曰茲乃傳般
若多羅懸記云心中雖吉外頭凶是也吾校年代正
在於汝當諦思前言勿罹世難然吾亦有宿累今要
酬之善去善行俟時傳付言已即往鄴都韜光混跡
變易儀相人或問之何故如是師曰我自調心何關
汝事又於管城寺談法聽者林會時有辯和法師者
於寺門講涅槃經學徒聞師闡法稍大引出辯和
其憤興謗于邑宰翟仲侃仲侃惑其邪說加師以非

法師怡然委順識真者謂之償債時年一百七歲即
隋文帝開皇年中也後葬于磁州滏陽縣東北七十
里唐德宗謚大祖禪師釋法琳撰碑云翟仲侃生前
爲牛御者恚其喘而斃之牛今邑宰也昔御者師焉
宿報當酬尔

第三十祖僧璨大師者不知何許人也初以白衣謁
二祖既受度傳法隱于舒州皖公山屬後周武帝破
滅佛法室至隋開皇中有沙弥道信年始十四來礼師
曰願和尚慈悲賜與解脫法門師云誰縛汝曰無人
縛師曰既無人縛即是解脫何須更求解脫信於言

下大悟服勤九載披剃受具師知其緣熟乃付衣法
遂告之曰如來以正法眼藏囑累迦葉次第傳授而
至於我今付汝并達磨袈裟用為法信流通將來
無令斷絕聽吾偈曰
華種雖因地
華地盡無生
從地種華生
若無人下種

師又曰可大師付吾法後往鄴都三十餘年方終今
吾得汝何滯此乎即適羅浮山經于三載却施舊地
一日士民奔趨大設檀供訖於大樹下立化即煬帝
大業中十月十五日也衆奉全身起塔焉唐玄宗謚

鑑智禪師塔曰覺寂吏部尚書門下三品房瑄撰碑
初唐河南尹李常素仰祖風深探玄理天寶中遇荷
澤神會問曰三祖大師葬於何處或聞入羅浮不迴
或說終於山谷未知孰是會曰絜大匠自羅浮歸山
谷得月餘方示滅今舒州見存三祖墓常未之信也
會謫為舒州別駕因詢山谷寺衆僧曰聞寺後有三
祖墓是否時上座慧觀對曰有之常竹然與官寮同
往瞻禮又啓壙取真儀閣維之得舍利無數以一分
建塔焉一分寄荷澤神會以質前言餘即隨身後於
洛中私第設齋以慶之時有西域三藏捷那等在會

中常問三藏天竺祖師多少捷那答曰自迦葉以至般若多羅有二十七祖若序師子尊者惣有四十九祖若從七佛至此不括橫枝凡三十七世常又問會中耆德曰常見祖圖或引五十餘祖至於枝派差殊宗族不定或但有空名者以何為驗時有智本禪師者六祖門人也答曰斯乃後魏初佛法淪贖有沙門曇曜於紛紜中以素絹單錄諸祖名字或忘次第藏衣領中隱于屢穴經三十五載至文成帝即位法門中興曇曜各行俱崇遂為僧統乃集諸沙門再議結集目為付法藏傳其間小有差互良由當時怖懼

所致又經一十二年勅國子博士黃元真與比天三藏佛陀扇多吉弗煙等甄別宗旨次叙師承得無紕繆也

第三十一祖道信大師者姓司馬氏世居河內後徙於蘄州之廣濟縣懸師生而超異幼慕空宗隋大業十三年遊吉州值群盜圍城七旬不解萬眾憂迫師憫之教令念摩訶衍時賊眾望雉堞間若有神兵乃相謂曰城內必有大異人不可攻也稍大引去唐武德中師却迈蘄春住破頭山一日往黃梅縣路逢一小兒脊相奇秀異乎常童師問曰子何姓答曰姓即有

不是常姓師曰是何姓答曰是佛姓師曰汝無姓耶
答曰性空故師默識其法器即令一僧至其家於父
母所諭令出家父母殊無難色曰願垂攝受師遂與
落髮受具既而乃告之曰如來以正法眼藏付傳迦
葉次第囑授而至於我今付汝并達磨袈裟以為
法信汝善護持流布將來無令斷絕聽吾偈曰
華種有生性 因地華生大 大緣與性合
當生不生

付衣法已告衆曰吾戎德中遊廬山登絕頂望破頃
山紫氣如蓋下有白氣橫分六道汝等會否衆皆默

然忍曰得非和尚他後橫出一枝佛法否師曰善後
貞觀中太宗嚮師道味欲瞻風采詔赴京師上表遜
謝前後三返竟以疾辭又命使曰如果不起即取首
使至山諭旨師乃引頸就刃神色儼然使異之迴以
狀聞帝殊加欽慕就賜珍繒以遂其志迄高宗永徽
中忽奮誠曰一切諸法悉皆解脫汝等各自護念流
化未來言訖端坐而逝壽七十有三塔于本山雙峰
明年四月八日塔戶無故自開儀相如生余後不敢
復閉代宗謚大醫禪師慈雲之塔
第三十二祖弘忍大師者勸州黃梅人也姓周氏生

而岐嶷童遊時逢一智者嘆曰此子闕七種相不逮
如來從寓於破頭山咸亭中有一居士姓盧名惠能
自新州來參謁師問曰汝自何來曰嶺南師曰欲須
何事能曰惟求作佛曰嶺南人無佛性若為得佛能
曰人即有南北佛性豈然師知其器乃呵曰著槽
檟去能作槽而退便入碓坊服勞於杵臼之間晝夜
不息師知付授將至遂告衆曰正法難解不可徒記
吾言持為己任汝等可各隨意述一偈章若語意冥
符即衣法偈付是時會下七百餘僧上座神秀者乃
於廊壁書偈曰

身是菩提樹
心如明鏡臺
時時勤拂拭

莫遣惹塵埃

師經行次見斯偈知是神秀所述嘆曰依此修行亦
得人天之果能在碓坊忽聆諷偈乃問同學是何章
句曰余不知和尚求法嗣令各述心偈此則秀上座
所述能即自述四句偈至夜密令人寫於秀偈之側
云
菩提本無樹
明鏡亦非臺
本來無一物

何處有塵埃
本師見此偈云此是誰作亦未見性遂脫履摩玄其

字由是衆不之觀逮夜師密詣自碓坊曰米白也否
能曰白也未有飾帥於碓以杖三擊之能即以三鼓
入室師告曰佛之出世爲一大事付于迦葉展轉相
授至菩提達磨屆于此土得可大師承襲以至於吾
今以法寶及所傳袈裟用付於汝々當善自保護流
布將來無令斷絕汝受吾教聽吾偈曰
有情來下種 因地果還生 無情既無種
無性亦無生

能居士受衣法啓曰法則旣受衣付何人師曰昔達
磨初至人未之信故傳衣以明待法今信心已熟衣

乃爭端止於汝身不復傳尔且當遠引俟時行化所
謂受衣之人命如縣絲復云一華開五葉結果自然
成又云果滿菩提圓華開世界起能曰當居何所師
曰逢懷即止遇會且藏能禮辭已捧衣潛出是夜南
邁大衆莫知翌日衆心疑訝師曰吾道行矣何更詢
之復問衣法誰得耶師曰能者得於是衆議盧行者
名能尋訪旣矢潛知彼得時僧慧明奔逐至大應嶺
頭能見明來隱於莽中但以衣置地明舉之莫動明
即呼云我來求法不求其衣能遂出曰不得思惡不
得思善正當恁麼時還我明上座本來面目明於是

大悟能曰汝須速迴遇蒙即止逢_衣當住明即禮謝而返建至嶺下遇衆追之明給之曰自嶺而來杳無所見衆即跋馬明後易名道明蓋避師名之上_一字也止表列蒙山師忽告衆曰吾今事畢時可行矣即入室安坐而逝壽七十有四唐高宗上元二年壬申歲二月十五建塔于黃梅之東山代宗謚大滿禪師_法兩_雨之塔

第三十三祖慧能大師者俗姓盧氏其先_范范陽人父行瑄武德中左官于南海之新州遂占籍焉三歲喪父其母守志鞠養及長家尤貧窶師樵采以給一日

負薪至市聞客讀金剛經至應無所住而生其心有所感寤而問曰此何法也得於何人客曰此名金剛經得於黃梅師遽告其母以為法尋師之意直抵韶州遇高行士劉志畧結為交友尼無盡藏者即志畧之姑也常讀涅槃經師暫聽之即為解說其義尼遂執卷問字師曰字即不識義即請問尼曰字尚不識焉能會義師曰諸佛妙理非關文字尼驚異之告鄉人云能是有道之人宜請瞻禮近有寶林古寺舊地完緝延師居之四衆霧集俄成寶坊師一日自念曰我求大法豈可中道而止遂至昌樂縣西山石室間

遇智遠禪師人遂請益遠曰觀子神機爽拔殆非常人吾聞西域菩提達磨傳心印于黃梅汝當往彼參決師辭去造黃梅之東山即唐咸亨年中也忍大師一見默而識之後傳衣法令隱于懷集四會之間至儀鳳元年丙子正月八日屆南海遇印宗法師於法性寺講涅槃經師見二法師爭風幡一人言風動一人言幡動能召曰不是風動不是幡動仁者心動二人言下大悟曰莫是盧行者否是即速說師曰我即惠能也二法師曰我等乃西天令來於此土與汝披剃受具仍法性寺有智光律師戒壇即宋朝求那跋

陀三藏之所置也記云後有肉身菩薩在此壇受戒又梁末真諦三藏於壇之側手植二菩提樹記曰却後一百二十年有大士受具於此樹下宛如宿契二法師曰我為汝落髮之師汝為我得法之師矣蓋以感悟風幡之言也明年二月八日受具已曰吾不願居此後師至寶林寺韶州刺史韋擣請居大梵寺中宗神龍元年降詔云朕請安秀二師宮中供養萬機之暇每究一乘二師並推讓云南方有能禪師密受忍大師衣法可就彼問今遣內侍薛簡馳詔迎請願師慈念速赴上京師上表辭疾願終林麓薛簡曰京

城禪德皆云欲得會道必須坐禪習定若不因禪定而得解脫者未之有也未審師所說法如何師曰道由心悟豈在坐也經云若言如來若坐若卧是行邪道何故無所從來亦無所去究竟無證豈況坐耶簡曰弟子之迴主上必問願師慈悲指示心要師曰道無明暗明暗是代謝之義明暗無盡亦是有盡相待立名故經云法無有比無相待故簡曰明喻智慧暗况煩惱修道之人儻不以智慧照破煩惱無始生死憑何出離師曰煩惱即是菩提無二無別若以智慧照煩惱者此是二乘小見羊鹿等機大智上根悉不

如是簡曰如何是大乘人見師曰明與無明凡夫見智者了達其性無二無二之性即是實性實性者變凡愚而不滅在賢聖而不增住煩惱而不亂居禪定而不寂不斷不常不來不去不在中間及其內外不生不滅性相如不常住不遷名之道簡曰師說不生不滅何異外道所談師曰外道所談不生不滅者將滅止生以生顯滅不猶不滅生亦無生我說不生不滅者本自無生今亦無滅所以不同外道外道者但以文字句義所說欲知心要善惡都莫思量自然得入妙用河沙簡于是言下大悟曰弟子始知本性不

遙涅槃寂靜無餘有法一切現前言已禮辭歸闕表
奏師語有詔謝師并賜摩訶袈裟寶鉢繒帛十二月
十九日勅改古寶林為中興寺三年十一月十八日
又勅韶州重加修飾大師寫經坊賜額為法泉寺師
新列舊居為國恩寺一日師謂眾曰諸善知識汝等
靜心聽吾說法汝等諸人自心是佛更莫狐疑外無
一物而能建立所以心生種大法生心滅種大法滅
若欲成就種智須達一相三昧一行三昧若於一切
處而不住相於彼相中不生憎愛亦無取捨不念利
益成壞等事安閑恬靜虛融澹泊此名一相三昧若

於一切處行住坐卧純一真心不動道場真成淨土
此名一行三昧若人具此三昧如地有種含藏長養
成熟其實一相一行亦復如是我今說法猶如時雨
普潤大地汝等佛性譬諸種子遇茲霑洽悉得發生
承吾旨者決獲菩提依吾行者定證妙果先天元年
告眾曰吾受忍大師衣法今為汝等說法不付其衣
蓋汝等信根純熟決定不疑堪任大事聽吾偈曰
心地含諸種 普雨悉皆生 頓悟華情已
菩提果自成
復曰其法無二其心亦然其道清淨亦無諸相汝等

慎勿觀淨及空其心此心本淨無可取捨各自努力
隨緣好去師說法化世經四十載其年七月六日命
弟子往新州國恩寺建報恩塔先天二年七月一日
謂衆曰吾欲歸新州速理舟楫衆曰師從此去早晚
却迴師曰葉落歸根來時無口又問師之法藏何人
傳受師曰有道者得無心者通又問後莫有難否曰
吾滅後五六年當有一人來取吾首聽吾記曰頭上
養親口裏須餐遇滿之難楊柳爲官又云吾去七十
年有二菩薩從東方來一在家一出家同時興化建
立吾宗締緝伽藍昌隆法嗣言訖往新州國恩寺跏

趺示寂即其年八月三日也時韶新兩郡各修塔廟僧
俗莫決所之兩刺史共焚香祝云香煙引處即師之
欲歸焉時鑪香騰涌直貫曹谿以十一月十三日入
塔壽七十六前韶州刺史韋據撰碑會八憶取首之
記遂先以鐵葉漆布固護師頸開元十年八月三日
夜忽聞塔中鏗然有聲僧衆驚起見一人裹白巾從
塔中出踰垣而遁尋周視什器一無所失俄見師頸
有傷具以賊事聞州縣令楊侃刺史柳無忝切加擒
捕五日放石角村獲賊人送韶州鞠問云姓張名行
滿汝州梁縣人於洪州開元寺受新羅僧金令取六

祖大師首歸東海供養柳守闡狀未即加刑乃躬至曹溪問師上足令瑄曰如何處斷瑄曰若以國法論理國固當宜然但以佛教慈悲寬親平等况彼欲求供養罪可恕之柳守嘆嘉始知佛門廣大遂赦之上元六年肅宗遣使就請師衣鉢歸內供養至永泰元年五月五日代宗夢六祖大師請衣鉢七日勅刺史楊城云朕夢感能禪師請傳法袈裟却歸曹溪今道真國大將軍劉崇景頂戴而送朕爲之國寶卿可於本寺如法安奉專令僧衆嚴加守護勿令遺墜或爲人偷竊皆不遠而獲憲宗謚大鑒禪師塔曰元和靈照

南越記云晉初海內崩裂各據兵權署曹叔良爲鎮南將軍知平南總管事晉刻復之後以王爵封叔良本山雙峰間叔良有別墅捨其地爲雙峰曹溪曹溪由是名著寶林寺者梁天監中有僧經始之刻石曰後一百七十年有大權菩薩說法度人傳化四方學徒霧集宜以寶林題之州將具奏仍御書其額至儀鳳二年大師駐錫皆符先記後改額神龍中曰中興曰法泉後三年曰廣果開元九年曰建興肅宗曰國寧寺宜宗曰南華迄今無鸞雀棲止有達磨祖師所傳袈裟一條西域屈匄布緝木綿莖心織成有云

絲布者非也其衣青黑色後人以碧絹為裏中宗賜
 摩訶寶鉢方辯塑真道具等主塔者尸之開元中廣
 州觀察使宋璟作札於塔見上足令瑫問曰云何名
 無生法忍瑫曰知生既如一切皆尔是名無生於生
 自在是名法忍知滅不滅是名無生善法不忘是名
 法忍為善提心是名無生諸結不起是名法忍對境
 不瞋是名無生不惱他人是名法忍內無妄念是名
 無生外無染汗是名法忍般若無住是名無生智慧
 觀照是名法忍璟聞頂受之遂伸弟子禮皇朝開寶
 初王師平南海劉氏殘兵作梗師之塔廟鞠為煨燼

而真身一無所損尋有制興修功未竟會太宗即位
 留心禪門頗增壯麗焉今上踐祚明肅太后助致奉
 慈聽斷天下治平上獨留心於禪法蓋天啟其衷也
 嘗遣使迎請衣鉢入宮中又留申供弥加寶飾冀永
 殊跡大師自唐先天二年癸丑入滅至今景祐三年
 丙子歲凡三百二十五年矣

天聖廣燈錄卷第七

天聖廣燈錄卷第八

丙子歲凡三百二十五卷矣

初夜大醮自國武天二帝受五人獻至今歲終三季
靈靈外致醮在極人宮中又曾申共於以寶誠其求
慈惠滿天下命平土研留心欲願其盡天智其求
留少物門則歡地願蒸合之經非即漸太式假燈奉
而直覺一無前能長可隨而外也未竟會太完物也

金具福州等覺禪院住持傳法廣慧大師達果收印

經板頭錢恭為今上皇帝祝延

聖壽闔郡官僚同資祿位彫造廣燈

錄一部計三函時大觀三年正月日謹題

天聖廣燈錄卷第八

中華第三十三祖慧能大師下法嗣

潭州南嶽山觀音院懷讓禪師

潭州南岳山觀音院懷讓禪師下法嗣

江州馬祖道一大寂禪師

江州馬祖道一大寂禪師下法嗣

洪州百丈山大智禪師

洪州百丈山大智禪師下法嗣

筠州黃檗鷲峰山斷際禪師

南嶽大慧禪師諱懷讓金州人也俗姓杜唐儀鳳二年四月八日降誕感白氣應於玄象在安康之分太史瞻見奏聞高宗皇帝大問是何祥瑞太史對曰國之法器不染世榮帝勅金州太守韓偓親往存慰家有二子師居其小年始三歲炳然殊異性多恩讓父乃安名懷讓至年十歲惟樂佛書時有三歲歲玄靜過金見而奇之告其父母曰此子若出家心獲上乘廣

度衆生垂拱三年方十五歲年親往荆州玉泉寺依弘景律師出家通天二年受戒後習毗尼藏一日自歎曰夫出家者為無為法天上人間無有勝者時有同學坦然知師志氣高邁勸師同謁嵩山安禪師安啓發之不契乃直指曹谿禮六祖大問什麼處來師云嵩山安禪師處來祖云什麼物與麼來師無語經于八載忽然有省乃白祖云某甲有箇會處祖云作麼生師云說似一物即不中祖云還假修證也無師云修證即不無不敢汚染祖云祇此不汚染是諸佛之護念吾亦如是汝亦如是西天二十七祖般若多

羅讖汝曰震且雖闊無別路要假兒孫脚上行金雞
解啣一粒米供養什加羅漢僧道又讖傳心裏能藏事
說向漢江濱湖波探水日將照二三人六祖又云吾
先師有言從吾向後勿傳此衣但以法傳若傳此衣
命如懸絲即道化示莫損於汝聽吾偈曰心地含諸
種普雨悉皆萌頓悟花情已菩提果自成汝向後出
一馬駒踏殺天下人師侍奉一十五載先天二年始
往南嶽居般若寺示徒云一切萬法皆從心生心本
無生法亦無住若達心地所作無礙非遇上根宜慎
言哉僧問如鏡鑄像人成後光歸何處師云如大德

來出家時相狀向什麼處去云成後為什麼不鑑照
師云雖然不鑑照謾他一點也不得馬祖於南岳傳
法院後獨處一庵唯習坐禪凡有來訪者都不顧師
往彼亦不顧師觀其神宇有異憶六祖讖記乃多方
誘導一日將甄於庵前磨相亦不顧時既久乃問曰
作什麼師云磨甄作鏡相云磨甄豈得成鏡師云磨
甄既不成鏡坐禪豈得成佛祖乃離座云如何即是
師云譬牛駕車々若不行打牛即是打車即是又云
汝學坐禪為學坐佛若學坐禪禪非坐卧若學坐佛
佛非定相於無住法不應取捨汝若坐佛即是殺佛

若執坐相非達其理祖聞斯示誨谿然開悟禮拜問
 云如何用心即合無相三昧師云汝學心地法門如
 下種子我說法要譬彼天澤汝緣合故當見其道祖
 云道非色相云何能見師云心地法眼能見乎道無
 相三昧亦復然矣祖云有成壞否師云若以成壞聚
 散而見道者非也聽吾偈曰心地含諸種遇澤悉皆
 萌三昧花無相何壞復何成祖既蒙開悟侍奉十秋
 日益玄奧師入室弟子六人各即可曰汝等六人同
 證吾身各契其一一人得吾眉善威儀常浩一人得
 吾眼善顧盼智達一人得吾耳善聽理坦然一人得

吾鼻善知氣神照一人得吾舌善談說嚴峻一人得

吾心善古今道馬祖闡化江西開元寺師問眾曰道

一為眾說法否眾曰已為眾說法師云未見通情消

息來遂遣一僧去待伊上堂時但問作麼生記取答

話來僧如殺迴舉似師祖云自從胡亂後三十年來

不曾少鹽醬師然之師天寶三年八月十一日示寂

於南岳勅謚大慧禪師最勝輪之塔史部侍郎歸登

撰塔記

江西馬祖大寂禪師大諱道一漢州什邡縣人也俗
 姓馬本邑羅漢寺出家師容貌奇異虎視牛行引舌

過龜足下有二輪文幼歲依資州唐和尚落髮受與
於渝州圓律師開元中習禪定于衡岳傳法院密受
大惠心印天竺般若多羅識行化偈曰領得彌勒語
離鄉日大敷東梁移近路餘氣脚天徒師始自建陽
佛蹟嶺遷臨川次南康龔公山大曆中錄名於鍾陵
開元寺時連帥路嗣恭聆風景慕親授密旨由是四
方學者雲集座下厥後法嗣盛布於天下時號江西
馬祖焉師謂衆曰汝等諸人各信自心是佛比心即
是佛心達磨大師從南天竺國躬至中華傳上乘一
心之法令汝等開悟又引楞伽經文以印衆生心地

恐汝顛倒不肯自信此一心之法各有之故楞伽
經云佛語心為宗無門為法門夫求法者應無所求
心外無別佛佛外無別心不取善不捨惡淨穢兩邊
俱不依怙遠罪性空念大不可得無自性故故三界
唯心森羅萬像一法所印凡所見色皆是見心不
自心因色故有汝但隨時言說即事即理都無所礙
菩提道果亦復如是於心所生即名為色下知色空故
生即不生若了此意乃可隨時著衣喫飯養長聖胎
任運過時更有何事汝受吾教聽吾偈曰心地隨時
說菩提亦祇寧事理俱無礙當生即不生問如何是

修道師云道不屬修若言修得修成還壞即同聲聞
若言不修即同凡夫云作何見解即得達道師云自
性本來具足但於善惡事上不滯喚作修道人取善
捨惡觀空入定即屬造作更若向外馳求轉踈轉遠
但盡三界心量一念妄想即是三界生死根本但無
一念即除生死根本即得法王無上珍寶無量劫來
凡夫妄想誦曲邪偽我慢貢高合爲一體故經云但
以衆法合成此身起時唯法起滅時唯法滅此法起
時不言我起滅時不言我滅前念後念中念七念不
相待念七寂滅喚作海印三昧攝一切法如百千異

流同歸大海都名海水住於一味即攝衆味住於大
海即混諸流如人在大海水中浴即用一切水所以
聲聞悟迷凡夫迷悟聲聞不知聖心本無地位因果
階級心量妄想修因證果住其空定八萬劫一萬劫
雖即已悟却迷諸菩薩觀如地獄苦沉空滯寂不見
佛性若是上根衆生忽遇善知識指示言下領會更
不歷於階級地位頓悟本性故經云凡夫有返覆心
而聲聞無也對迷說悟本既無迷悟亦不立一切衆
生從無量劫來不出法性三昧長在法性三昧中著
衣忍飢言談祇對六根運用一切施爲盡是法性不

解返源隨名逐相迷情妄起造種種業若能一念返
照全體聖心汝等諸人各達自心莫記吾語縱饒說
得河沙道理其心亦不增惣說不得其心亦不減說
得亦是汝心說不得亦是汝心乃至分身放光現十
八變不如還我死灰來淋過死灰無力喻聲聞妄修
因證果未淋過死灰有力喻菩薩道業純熟諸惡不
染若說如來權教三藏河沙却說不可盡猶如鈎鎖
亦不斷絕若悟聖心惣無餘古事久立珍重上堂麗居
七問不與萬法為侶是什麼人師云待汝一口吸盡
西江水即向汝道又問不昧本來人請師高著眼師

直下觀士云一等勿絃琴准師彈得妙師直上觀士
礼拜師歸方丈居士隨後云適來弄巧成拙問如何
是佛師云即心是佛問離四句絕百非請師直指西
來意師云我今日無心情汝去西堂問取智藏僧至
西堂問西堂以手指頭云我今日頭痛不能為汝說
得汝去問海兄僧去問海兄海兄云我到者裏却不
會僧回舉似師師云藏頭白海頭黑師採藤次見水
老便作放勢水老近前接師便踏倒水老起來呵大
大笑云無量妙義百千三昧盡在一毛頭上識得根
源去鄧隱峰辭師云什麼處去峯云石頭去師云

石頭路滑峰云竿木隨身逢場作戲遂到石頭繞禪
牀一而振錫而立云是何宗旨石頭云蒼天蒼天峰
無語回舉似師人云更去問待他有答汝便作噓
聲峰又去依前問石頭作噓大聲峯又無語回舉似
師人云向汝道石頭路滑師令僧馳書與徑山欽和
尚書中盡一圓相徑山纔開見索筆於中著一點後
有僧舉似忠國師國師云欽師猶被馬師惑有僧於
師前作四畫上一畫長下三畫短云不得道一畫長
三畫短離四句絕百非請和尚答某甲師畫一畫云
不得道長短答汝了也後有僧舉似忠國師國師云

何不問我師問僧什麼處來云湖南來師云東湖水
滿也未云未師云許多時雨水尚未滿道吾云滯也

地洞山云什麼百丈問如何是佛旨趣師云正是汝

却中曾欠火放身命處師示衆云道不用修但莫汚染何為汚染
但有生死心造作趣向皆是染汚若欲直會其道平
常心是道何謂平常心無造作無是非無取捨無斷
常無凡聖故經云非凡夫行非聖賢行是菩薩行祇
如今行住坐卧應機接物盡是道人即是法界乃至
河沙妙用不出法界若不然者云何言心地法門云
何言無盡燈一切法皆是心法一切名皆是心名萬

法皆從心生心為萬法之根本故經云諸心達本源
故號為沙門名等義等一切法皆等純一無雜若於
教門中得隨時自在建立法界盡是法界若立真如
盡是真如若立理一切法盡是理若立事一切法盡
是事舉一千從事理無差盡是妙用更無別理皆由
心之回轉譬如月影有若干真月無若干諸源水有
若干水性無若干森羅萬像有若干虛空無若干說
道理有若干無礙慧無若干種成立皆由一心也
建立亦得掃蕩亦得盡是妙用妙用盡是自家非離
真而有立處立處即真盡是自家體若不然者更是

何人一切法皆是佛法諸法即是解脫解脫者即是
真如諸法不出於真如行住坐卧悉是不思議用不
待時節經云在在處處大則為有佛佛是能仁有智慧
善機情能破一切衆生疑網出離有無等縛凡聖情
盡人法俱空轉無等輪超於數量所作無礙事理雙
通如天起雲忽有還無不留蹤跡猶如畫水成文不
生不滅滅其大寂滅在纏名如來藏出纏號淨法身體
無增減能大能小能方能圓應物現形如水中月滔
々運用不立根苗不盡有為不住無為有為是無為
之用無為是有為之依不住於依故云如空無所依

心生滅義心真如義心真如者喻如明鏡照像鏡喻於心像喻於法若心取法即涉外因即是生滅義不取於法即是真如義聲聞耳聞佛性菩薩眼見佛性了達無二名平等性人無有異用則不同在迷為識在悟為智順理為悟順事為迷人則迷自本心悟則悟自本性一悟永悟不復更迷如日出時不與暗對智慧日出不與煩惱暗俱了心境界妄想即除妄想既除即是無生法性本有之性不假修成禪不屬坐人即有著若見此理真正合道隨緣度日戒行增熏積於淨業但能如是如慮不通久立珍重師於真元

四年正月登建昌石門山於林中經行見洞壑平坦峯巒秀拔謂侍者曰茲吉祥所乃吾終焉之地矣既而示疾院主問和尚近日尊候如何師云月面佛月面佛至二月一日沐浴加趺而化享年八十僧臘六十元和中德^宗皇帝追謚大寂禪師塔曰大中莊嚴洪烈百丈山大智禪師人諱懷海福州長樂人也俗姓王卅歲離塵三學諳練屬大寂闡化江西乃傾心依附與西堂智藏南泉普願同號入室三大士焉一夕三大士隨侍馬祖翫月次祖問正當與麼時如何西堂云正好供養師云正好修行南泉拂袖便去祖云

經入藏禪歸海唯有普願獨處物外師爲馬祖侍者
一日隨侍馬祖路行次聞野鴨聲祖云什麼聲師云
野鴨聲良久祖云適來聲向什麼處去師云飛過去
祖迴頭將師鼻便扭師作痛聲祖云又道飛過去師
於言下有省明日祖昇堂纔坐師出來卷却簾祖便
下坐師隨至方丈祖云適來要舉轉因緣你爲什麼
卷却簾師云爲某甲鼻頭痛祖云你什麼處去來師
云昨日偶有出入不及參隨祖喝一喝師便出去馬
祖一日上堂衆集以手點拂柄三下便下座師默有
省三日後舉似祖六上堂告衆曰吾何憂矣自有大

默在是汝諸人之師也馬祖一日問師什麼處來師
云山後來祖云還逢著一人麼師云不逢著祖云爲
什麼不逢著師云若逢著即舉似和尚祖云什麼處
得者箇消息來師云某甲罪過祖云却是老僧罪過
師再參馬祖六豎起拂子師云即此用離此用祖掛
拂子於舊處良久祖云你已後開兩片皮將何示人
師遂取拂子豎起祖云即此用離此用師亦掛拂子
於舊處祖便喝師直得三日耳聾方乃大悟有一僧
突入法堂師云作什麼僧云父母俱喪請師揀日師
云明日一時埋却問如何是奇特事師云獨坐大雄

山僧禮拜師便打西堂問師你向後作麼生開示於
人師以手卷舒兩邊堂云更作麼生師以手點頭一
下上堂云靈光獨耀迥脫根塵體露真常不拘文字
心性無染本自圓成但離妄緣即如大佛問依經解
義三世佛冤離經一字如同魔說是如何師云固守
動靜二世佛冤此外別求還同魔說馬祖令人馳書
并驚三癩與師令排向法堂前乃上堂眾纔集師
以拄杖指驚癩云道得即不打破道不得即打破眾
無語師便打破歸方丈上堂眾纔集師以拄杖趁下
却召大衆眾迴頭師云是什麼黃檗到師處一日辭

云欲禮拜馬祖去師云馬祖已遷化也檗云未嘗有
何言句師遂舉再參馬祖豎拂因緣檗聞舉不覺吐
舌師云子已後莫承嗣馬祖去麼檗云不然今日因
師舉得見馬祖大機之用然且不識馬祖若嗣馬祖
已後喪我兒孫師云見與師齊滅師半德見過於師
方堪傳授子甚有超師之見後瀉山問仰山百丈再
參馬祖豎拂因緣此二尊宿意旨如何仰山云此是
顯大機之用瀉山云馬祖出八十四人善知識幾人
得大機幾人得大用仰山云百丈得大機黃檗得大
用餘者盡是唱道之師瀉山云如是如是師因普請

開田迴問運閣梨開田不易磔云衆僧作務師云有
頰道用磔云爭敢辭勞師云開得多火田磔作鋤田
勢師便喝磔掩耳而出師問黃磔甚處來磔云山下
採菌子來師云山下有一虎子汝還見麼磔便作虎
聲師於腰下取斧作斫勢磔約住便掌師入晚參上
堂云大衆山下有一虎子汝等諸人出入好看老僧
今朝親遭一口後瀉山問仰山云黃磔虎話作麼生
仰山云和尚如何瀉山云百丈當時便合一斧斫殺
因什麼到如此仰山云不然瀉山云子又作麼生仰
山云不唯騎虎頭亦解把虎尾瀉山云寂子甚有險

崖之句師每上堂常有一老人聽法罷皆隨衆散去
一月留身不去師問立者何人老人曰某甲於過去
迦葉佛時曾住此山有子人問大修行底人還落因
果也無對云不落因果墮在野狐身今請和尚代一
轉語師云汝但問老人便問大修行底人還落因果
也無師云不昧因果老人於言下大悟告辭師云某
甲已免野狐身住在山後乞依亡僧燒送師令維那
白槌告衆齋後普請送亡僧衆皆愕然後衆去山
後巖果中見一死野狐積薪燒訖師至晚上堂舉前
因緣次黃蘗便問古人錯對一轉語隨在野狐身今

人轉大不錯又且如何師云近前來向汝道磔近前
打師一掌師云將謂胡鬚赤更有赤鬚胡時馮山在
會下作典座司馬誦陀舉野狐語問典座作麼生典
座以手撼門扇三下司馬云大麤生典座云佛法不
是者箇道理後馮山舉黃檗問野狐詰問仰山云云
黃檗常用此機馮山云汝道及天生得從人得仰山云
亦是真受師承亦是自宗通馮山云如是如是黃檗
問從上古人以何法示人師良久黃檗云後代兒孫
將何傳授師云將謂徐者漢是箇人便歸方丈馮山
一夜方丈中侍立既久師令撥爐中看有火麼山撥

云無火師自起撥得一星火指示云汝道無火者箇
是什麼山因此有看後一日作務次師問馮山云還
有火麼馮山云有師云在什麼處馮山把一莖柴吹
度與師云云如蟲蝕木因普請鋤地次有僧聞敲聲
舉起鋤頭呵大大笑而歸師云俊哉從觀音門而入
後喚其僧問云你適來見什麼道理僧云某甲肚飢
聞敲聲歸喫飯師呵大大笑問如何是佛師云汝是
阿誰云某甲師云汝識某甲否云分明箇師乃豎起
拂子問汝見拂子否云見師不顧師令僧去章敬處
見伊上堂說法你便展開坐具礼拜起將一隻鞋以

袖拂却上塵倒頭覆下其僧到章敬處一依師旨章
敬云老僧罪過上堂云併却咽喉唇吻速道將來瀉
山云某甲道不得請和尚道師云不辭向你道他後
喪我兒孫五峰云和尚亦須併却師云無人惠斫額
紫汝雲巖云某甲有道處請和尚舉師云併却咽喉
唇吻速道將來巖云師今有也師云喪我兒孫上堂
云我要一人去傳語西堂和尚阿誰去得五峰云某
甲去得師云你作麼生傳語峯云待見西堂即道師
云道什麼峰云却來舉似和尚師童年之時隨母入
寺拜佛指尊像問母此是何物母云是佛童云形容

似人我後亦當作焉師凡作務執勞必先於衆人不
忍其勞密收作具而請息之師云吾無德矣爭合勞
人既徧求作具不獲而亦不食故有一日不作一日
不食之言流播寰宇矣師於元和九年正月十七日
示寂春秋九十五長慶元年勅謚大智禪師塔曰大
勝寶輪

筠列黃巖鷲峰山斷際禪師者閩中人也幼於本列
黃巖山出家眉間隆起如珠音詞暢潤志意冲澹後
遊天台逢一僧如舊識乃同行屬澗水瀑漲師倚杖
而止其僧率師同過師云請兄先過其僧却浮筇於

水上便過師云我却共箇梢子行悔不一棒打殺有
僧辭歸宗云往甚處去云諸方學五味禪去宗云
諸方有五味禪我者裏我是一味禪僧云如何是一
味禪宗便打僧云會也會也宗云道大僧擬開口宗
又打其僧後到師處師問什麼處來云歸宗來師云
歸宗有何言句僧遂舉前話師乃上堂舉此因緣云
馬大師出八十四人善知識問著箇大肩漉々地我
有歸宗較些子師在鹽官會裏大中常為沙弥師於
佛殿禮佛沙彌云不著佛求不著法求不著衆求長
老禮拜當何所求師云不著佛求不著法求不著衆

求常禮如是事沙彌云用禮何為師便掌沙弥云太
麤牛師云者裏是什麼所在說麤說細隨後又掌沙
弥便走師行脚時到南泉一日齋時捧鉢向南泉位
上坐南泉下來見便問長老什麼年中行道師云威
音王已前南泉云猶是王老師孫在師便移下座師
一日出次南泉云如許大身材戴載箇些子大笠師云
三千大千世界摠在裏許南泉云王老師咏師戴笠
便行師一日在茶堂內坐南泉下來問定慧等學明
見佛性此理如何師云十二時中不依倚一物泉云
莫便是長老見麼師云不敢泉云漿水錢且置草

鞋錢教什麼人還師便休馮山後舉此因緣問仰山
莫是黃蘗構他南泉不得麼仰山云不然須知黃檗
有陷虎之機馮山云子見處得與麼長一日普請啜
泉問什麼處去師云擇菜去泉云將什麼擇師豎起
刀子泉云祇解作庖不解作主師扣刀三下一日五
人新到同時相看四人礼拜一人不禮拜以手畫一
圓相而立師云還知道好隻獵犬麼云尋羚羊氣來
師云羚羊無氣汝向什麼處尋云尋羚羊蹤來師云
羚羊無蹤汝向什麼處尋云與麼則死羚羊也師便
休來日昇座退問昨日尋羚羊僧出來其僧便出師

云老僧昨日後頭未有語在作麼生其僧無語師云
將謂本色衲僧元來祇是義學沙門師曾散衆在洪
州開元寺裴相公一日入寺行次見壁畫乃問寺主
者畫者是什麼寺主云畫高僧相公云形影在者裏
高僧在什麼處寺主無對相公云此間莫有禪僧麼
寺主云有一人相公遂請師相見乃舉前話問師大
召云裴休休應喏師云在什麼處相公於言下有省
乃再請師開堂上堂云汝等諸人盡是噉酒糟漢與
麼行脚老殺他人恁似與麼容易何處更有今日汝
還知大唐國東無禪師麼時有僧問我如諸方匡徒

領衆爲什麼劫道無禪却既云云不道無禪祇道無師
後馮山舉此因緣問仰山云意作麼生仰山云鵝王
擇亂素非鴨類馮山云此實難辨裴相一日托一尊
佛於師前跏趺云請師安名召云裴休大應喏師云
與汝安名竟相公便禮拜相公一日上詩一章師接
得便坐却乃問會麼相公云不會師云與麼不會猶
較些子若形紙墨何有吾宗詩曰自從大士傳心即
額有圓珠七尺身掛錫十年棲蜀水浮杯今日渡漳
濱一千龍象隨高步萬里香華結勝因願事欲師爲
弟子不知將法付何人師答曰心如大海無邊際口

吐紅蓮養病身雖有一雙無事手不曾祇拈等閑人
夫學道者先須併却雜學諸緣決定不求決定不著
聞甚深法恰似清風屈耳瞥然而過更不追尋是爲
甚深入如來禪離生禪想從上祖師唯傳一心更無
異法指心是佛頓超等妙二覺之表決定不流至第
二念始似入我宗門如斯之法汝取次人到者專擬
作麼生學所以道擬心時被擬心魔縛非擬心時又
被非擬心魔縛非人擬心時又被非人擬心魔縛魔
非外來出自你心唯有無神通菩薩足跡不可尋若
於一切時中心有常見即是常見外道若觀一切法

空作空見即是斷見外道所以三界唯心萬法唯識
 此猶是對外道邪見人說若說法身以為極果此對
 三賢十聖人言故佛地斷二愚一者微細所知愚二
 者極微細所知愚佛既如是更說什麼等妙二覺所
 以一切人但欲向明不欲向暗但欲求悟不愛煩惱
 便道佛是覺眾生是妄若作如是見解百劫千生輪
 迴六道更無斷絕何以故為謗諸佛本源自性故他
 分明向你道佛且不明眾生且不暗法無明暗故佛
 且不強眾生且不弱法進強弱故佛且不智眾生且
 不愚法無愚智故是你出頭認道解禪閉著口便病

發不說本我說末不說迷我說悟不曾說體祇說用
 惣無你話論處他一切法且本不有今亦不無緣起
 不有緣滅不無本亦不有本非本故心亦不心不非
 心故相亦非相不非相故所以道無法無本心始解
 心不法不即非法非法即法無法無非法故是心不
 法忽然瞥起一念了知如幻如化即流入過去佛過
 去佛且不有未來佛且不無又且不喚作未來佛現
 在念不不住不喚作現在佛佛若起時即不擬他是
 覺是迷是善是惡輒不得執滯他斷絕他如一念瞥
 起千重關鎖不_下得不_上萬丈繩索繫他不住既若如是

爭合便擬滅他止他分明向你道爾縱識你什麼生
他斷他喻如陽燄你道近十方世界求不可得始道
遠有時祇在目前你擬趁他又又轉遠去你始避他
又又來逐你取又不得捨又又不得既若如此故知
切法性自爾即不用愁他慮他如言前念是凡後念
是聖如手翻覆一般此是三乘教之極也據我宗門
中前念且不是凡後念且不是聖前念不是佛後念
不是衆生所以一切色是佛色一切聲是佛聲舉著
一理一切理皆然見一事見一切事見一心見一切
心見一道見一切道一切處無不是道見一塵十方

世界山大河地皆然見一滴水即見十方世界一切
性水又見一切法即見一切心一切法本空心即不
無不無即妙有亦亦不有不有即有即真空妙有既
若如是十方虛空世界不出我之一心一切微塵
國土不出我之一念若然說什處內之與外如蜜性
甜一切蜜皆然不可者箇蜜甜餘底苦也何處有與
廢事所以道虛空無內外法性自爾虛空無中間法
性自爾故衆生即佛佛即衆生衆生與佛元同一體
生死涅槃有為無為元同一體世間出世間乃至六
道四生山河大地有性無性亦同一體言同者名相

亦空有亦空無亦空盡恒沙世界元是一空既若如此何處有佛度眾生何處有眾生受佛度何故如此萬法之性自爾故若作自然見即落自然外道若作無我無我所見墮在三賢十聖位中你如今云何將一尺一寸便擬度量虛空他分明向汝道法大不相到法自寂故當處自住當處自真以身空故名法空以心空故名性空身心物空故名法性空乃至千途異說皆不離你之本心如今說菩提涅槃真如佛性二乘菩薩者皆指葉爲黃金拳掌之說若也展手之時一切大眾若天若人皆見掌中都無一物所以道

本來無一物何處有塵埃本既無物三際亦無所有故學道人單刀直入須見者箇意始得故達磨大師從西天來至此土經多少國土祇覓得可大師一人密傳心印你本心以心印法以法印心心心不異心既如此法亦如此同真際等法性法性空中誰是授記人誰是成佛人誰是得法人他分明向你道菩提者不可以身得身無相故不可以心得心無相故不可以性得性即便是本源自性天真佛故不可以佛更得佛不可以無相更得無相不可以空更得空不可以道更得道本無所得無得亦不可得所以道

無一法可得祇教你了取本心當下了時不得了相
無了無不了相亦不可得如此之法得者即得下者
不自覺知不得者亦不自覺知如此之法從上已來
有幾人得知所以道天下忘已者有幾人如今於一
機一境一經一教一世一名一字六根門前領
得與機關木人何別忽有一人出來不於一名一相
上作解者我說此人盡十方世界覓者箇人不可得
以無第二人故繼於祖位亦云釋種無雜純一故言
王若成佛時王子亦隨出家此意大難知祇教你莫
覓六便失却如癡人山中叫一聲響從谷出便走下

山趣及乎覓不得又叫一聲山上響又應亦走上山
上趣如是千生萬劫祇是尋聲逐響人虛生浪死漢
汝若無聲亦無其響涅槃者無聞無知無聲絕跡絕
緣若得如是稍與祖師隣房也問如王庫藏內都無
是是刀伏願誨示師云王庫藏者即虛空性也能攝
十方虛空世界皆捨不出你心亦謂之虛空菩薩你
若道是有是無非有非無捨成殺羊角殺羊角者即
你求覓者也問王庫藏中有真刀否師云此亦是殺
羊角云若王庫藏中本無真刀何故云王子持王庫
中真刀出至異國何得言無師云持刀出者此喻如

來使者你若言王子持王庫中真力出去者庫中應
空去也本源虛空性不可被異人將去是什麼語設
你有者皆名殺羊角問迦葉受佛心印得為傳語人
否師云是云若是傳語人應不離得殺羊角師云迦
葉自領得本心所以不是殺羊角若以領得如來心
見如來意見如來色相者即屬如來使為傳語人所
以阿難為侍者二十年但見如來色相所以被佛呵
云唯觀殺也者不能離得殺羊角問文殊執劍於瞿
曇前者如何師云五百菩薩得宿命智見過六生業
障五百者即你五陰身是以見此宿障故求佛求菩

提涅槃所以文殊將智解劍害此有見佛以故故言
你當善害云何者是劍師云解心是劍云解心既是
智斷此有見佛心祇如能斷見心何能除得師云還
將你無分別智斷此有見分別心云如作有見有求
佛心將無分別智劍斷爭奈有智劍在何師云若無
分別智害有見無見無分別智亦不可得云不可以
智更斷智不可以劍更斷劍師云劍自害劍人劍相
害即智亦不可得智自害智人智相害即智亦不可
得母子俱喪亦復如是問如何是見性師云性即是
見人即是性不可以性更見性奪即是性不可以性

更聞性祇你作性見能聞能見性便有一異法生也
分明道所可見者不可更見你云何頭上更著頭他
分明道如槃中散珠大者大圓小者小圓各不相
知各不相礙起時不言我起滅時不言我滅所以
四生六道未有不却時且衆生不見佛佛不見衆生
四果不見四向四向不見四果三賢十聖不見等妙
二覺等妙二覺不見三賢十聖乃至水不見火火不
見水地不見風火不見地衆生不入法界佛不出法
界所以法性無去來無能所見既如此因什麼道我
見我聞於善知識處得契悟善知識與我說法諸佛

出世與衆生說法迦旃延祇爲以生滅心傳實相法
被淨名呵責分明道一切法本來無縛何用解他本
來不染何用淨他故云實相如是豈可說乎汝今祇
成是非心染淨心學得一知一解繞天下行見人便
擬定當取誰有心眼誰強誰弱告也如此天地懸殊
更說什麼見性問既言性即見火即性祇如性自無
障礙無齊限云何隔物即不見又於虛空中近即見
遠即不見者如何師云此是你妄生異見若言隔物
不見無物言見便謂性有隔礙者全無交涉性且非
見非不見見法亦非見非不見若見性人何處不是我

之本性所以六道四生山河大地惣是我之性淨明
體故云見色便見心色心不異故我為取相作見聞
覺知去却前物始擬得見者即墮二乘人中依遍見
解也虛空中近則見遠則不見此是外道中收分明
道非內亦非外非近亦非遠近而不可見者萬物之
性也近尚不可見更遠而不可見有什麼意智問
學人不會和尚如何指示師云我無一物從來不曾
將一物與人你無始已來我為被人指示竟契竟會
此可不是弟子與師俱陷王難你但知一念不受即
是無受身一念不想即是無想身決定不遷流造作

即是無行身莫思量卜度分別即是無識身你如六
纜瞥起一念即入十二因緣無明緣行亦因亦果乃
至老死亦因亦果故善財童子一百一十處求善知
識祇向十二因緣中求最後見弥勒弥勒却指見文
殊文殊者即汝本地無明若心大別異向外求善知
識者一念纔生即滅纔滅又生所以汝等比丘亦生
亦老亦病亦死因答果已來即五聚之生滅五聚
者五陰也一念不起即十八界空即身便是菩提華
果即心便是靈智亦云靈臺若有所住著即身為死
屍亦云守死屍鬼問滌名默然文殊讚歎云具真入

小二法門如何師云小二法門即你本心也說與不
說即有起滅無言說時無所顯示故文殊讚歎云淨
名不說時聲有斷滅否師云語即默々即語々默不
二故云聲之實性亦無斷滅文殊本聞亦不斷滅所
以如來常說未曾有不說時如來說即是法々即是
說法說不二故乃至報化二身菩薩聲聞山河大地
水鳥樹林一時說法所以語亦說默亦說終日說而
未嘗說既若如是但以默爲本問聲聞人藏形於三
界不能藏於菩提者如何師云形者質也聲聞人但
能斷三界見修已離煩惱不能藏於菩提故還被魔

王於菩提中捉得於林中冥坐還成微細見菩提心
也菩薩人已於三界菩提決定不捨不取不取故七
大中覓他不得不捨故外魔亦覓他下得你但擬著
一法印子早成也即著有即六道四生文出印著空
即無相文現如今但知決定不印一切物此印爲虛
空不一不二空本不空印本不有十方虛空世界諸
佛出世如見電光一般觀一切蠢動含靈如響一般
見十方微塵國土恰似海中一滴水相似聞一切甚
深法如幻如化心々不異法々不異乃至千經萬論
祇爲你之一心若能不取一切相故言如是一心中

方便勤莊嚴問如我昔為歌利王割截身體如何師云仙人者即是你心歌利王者好求也不守王位謂之貪利如今學人積功累德見者便擬學與歌利王何別如見色時壞却仙人眼聞聲時壞却仙人耳乃至覺知時亦復如是喚作節六支解云祇如仙人忍時不合更有節六支解不可一心忍一心不忍也師云你作無生見忍辱時無求解恣是傷損云仙人被割時還知痛否師云痛云此中無受者是誰受痛師云你既不痛出頭來覓箇什麼問然燈佛授記為在五百歲中五百歲外師云五百歲中不得授記所言

授記者你本心決定不忘不失有為中不取提提但以了世非世亦不出五百歲外別得授記亦不於五百歲中得授記云了世非世三際相可得已否師云無一法可得云何故言頻經五百世前後極時長師云五百世長遠當知猶是仙人故然燈授記時實無少法可得問教中云銷我億劫顛倒想不歷僧祇獲法身者如何師云若以三無數劫修行者所證得者盡恒沙劫不得若於一剎那中獲得法身直了見性者猶是三乘教之極談也何以故以見法身可獲故皆屬不了義教中收問見法頓了者見祖師意否師

云祖師心出虛空外云有限劑否師云有無限劑此
皆數量對待之法祖師心且非有數量非無限量亦
非有無限量以絕對故你如今學者未能出得三
乘教外爭喚作禪師分明向你道一等學禪莫取次
妄生異見如人飲水冷暖自知一行一住一刹那間
念々不異若不知是不免輪迴問佛身無為不墮諸
數何故佛身舍利八斛四斗師云你作如是見祇見
假舍利不見真舍利云舍利為是本有為復功勳師
云非是本有亦非功勳云若非本有又非功勳何故
如來舍利唯鍊唯積精金骨常存師乃呵云你作如此

見解爭喚作學禪人作見虛空曾有骨否諸佛心同
太虛覓什麼骨云如今既有舍利此是何法師云此
從你妄想心生即見舍利云和尚還有舍利否請將
出來看師云真舍利難見你但以十指撮盡妙高峰
為微塵即見真舍利夫參禪學道須得一切處不生
心祇論忘機即佛道隆分別即魔軍盛畢竟無毛頭
許少法可得問祖師傳法付與何人師云無法與人
云何故二祖請師安心師云你若道有二祖即合覓
得心覓心不可得故所以道與你安心竟若有所得
全歸生滅問佛窮得無明即否云無明即是一切諸

佛得道之妙所以緣起是道場所見一塵一色便合
 無邊理性舉足下足不離道場道場者無所得也我
 向你道我為無所得名為坐道場云無明者為明為
 暗師云非明非暗明暗是代謝之法無明且不明亦
 不暗不明只是本明不明不暗只是本明不明不暗
 我者一句子乱却天下人眼所以道假使滿世間皆
 如舍利弗盡思共度量不能測佛智其無礙慧出過
 虛空無你語論處釋迦量等三千大千世界忽有一
 菩薩出來一跨大劫三千大千世界不出普賢一毛
 孔你如今把什麼本領擬學他云既是學不得為什

道歸源性無二方便有多門如之何師云歸源性無
 二者無明實性即諸佛性方便有多門者聲聞人見
 無明生亦見無明滅緣覺人但見無明滅不見無明
 生念大證寂滅諸佛見眾生終日生而無生終日滅
 而無滅無生無滅即大乘果所以道果滿菩提圓華
 開世界起舉足即佛下足即眾生諸佛兩足尊者即
 理足事足眾生足生死涅槃一切等足大故不求是
 你如今念大學佛即嫌著眾生若嫌著眾生即是謗
 他十方諸佛所以佛出世來執除糞器蠲除戲論之
 冀祇教你除却從來學心見心除得盡即不墮戲論

亦云般冀出祇教侷不生心々若不生自然成大印
大智者澤定不分別佛與衆生一切盡不分別始得
入我曹溪門下故自古先聖云火人行我此法門所
以行無爲法門祇是一心門一切人到者專盡不敢
入不道全無祇是少人得入者即是佛珍重師於大
年中終于本山唐宣宗勅謚斷際禪師塔曰廣業
主舍人請建祇教塔果主塔曰生而無主發曰祇
教即主亦具現即祇教裏人且具現即祇教不思無用
之香無即寶卦噴論祇教之對可多門皆學問人具
天聖廣燈錄卷第八

福州等覺禪院住持傳法廣慧大師達杲收印

經板頭錢恭爲 今上皇帝祝延

聖壽闔郡官僚同資祿位彫造 廣燈

錄一部計三函 時大觀三年正月日 謹題

天聖廣燈錄卷第九

洪州大雄山百丈懷海禪師

夫語須辨緇素須識總別語須識了義不了義教語
了義教辨清不了義教辨濁說穢法邊垢揀几說清
法邊垢揀聖從九部教說向前衆生無眼須人雕琢
若於聲俗人前說直須教渠出家持戒修禪學慧若

是過量俗人亦不得向他恁麼說如維摩詰傳大士等類若於沙門前說他沙門已受白四羯摩訖具足全是戒定慧力更向他恁麼說名非時語說不應時亦名綺語若是沙門須說淨法邊垢須說離有無等法離一切修證亦離於離若於沙門中剝除習染沙門除貪瞋病不去亦名瞽俗亦須教渠修禪學慧若是二乘僧佗歇貪瞋病去盡依在無貪將爲是不無色界是障佛光明是出佛身血亦須教渠修禪學惠須辨清濁語濁法者貪瞋愛取等多名清法者菩提涅槃解脫等多名祇如今鑒覺但於清濁兩流凡聖

等法色聲香味觸法世間出世間法都不得有纖毫愛取既不愛取依住不愛取將爲是入初善是住調伏心是聲聞人是戀後不捨人是二乘道是禪那果既不愛取亦莫依住不愛取是中善是半字教猶是無色界免墮二乘道免墮魔民道猶是禪那病是菩薩縛既不依住不愛取亦不作不依住知解是後善是滿字教免墮無色界免墮禪那執免墮菩薩乘免墮魔王位爲智障地障行障故見自己佛性如夜見色如云佛地斷二愚一微細所知愚二極微細所知愚故云有大智人破塵出經卷若透三句得過不

被三段管教家舉喻如鹿得三跳出網喚作纏外佛
無物拘繫得渠是屬然燈後佛是最上乘最上智
是佛道上立此人佛有佛性是導師是使得無所
礙風是無礙慧於後能使得因果福智自由是作車
運載因果處於生不被生之所留礙於死不被死之
所礙處於五陰如門闢不被五陰礙去住自由出入
無難若能潛麼不論階梯勝劣乃至蟻子之身但能
潛麼盡是淨妙國土不可思議此猶是解縛語彼自
無瘡勿傷之也佛瘡菩薩等瘡但說有無等法盡是
傷也有無管一切法十地是濁流河衆作清流說堅

清相說濁過患向前十大弟子舍利弗富樓那正信
阿難邪信善星等箇人有勝樣箇人有則候一一被
導師說破不是四禪八定阿羅漢等住定八萬劫他
是依執所行被淨法酒醉故云聲聞人聞佛法不能
發無上道心所以斷善根人無佛性教云喚作解脫
深坑可畏之處一念心退轉墮地獄猶如箭射亦不
得一向說退亦不得一向說不退祇如文殊觀音勢
至等却來須陀洹地同類誘引不得言他退當潛麼
時祇喚作須陀洹人祇如今鑒覺但不被一切有無
諸法管透三句及一切逆順境得過聞百千萬億佛

出世間如不聞相亦不依住不聞亦不作不依住
 知解說他者箇人退不得量數管他不著是佛常住
 世間而不染世間法說佛轉法輪退是謗佛法僧說
 佛不轉法輪不退亦是謗佛法僧肇云菩提之道不
 可圖度高而無上廣不可橫淵而無下深不可測語
 也塚生招箭言鑒覺猶不是從濁辨清許說如今鑒
 覺是除鑒覺外別有盡是魔說若守住如今鑒覺亦
 同魔說亦名自然外道說如今鑒覺是自己佛是尺
 寸語是圖度語似野干鳴猶屬藕膠門本來不認自
 知自覺是自己佛向外馳求覓佛假善知說識出自

知自覺作藥治箇向外馳求病既不向外馳求病瘥
 須除藥若執住自知自覺是禪那病是徹底聲聞如
 水成冰全冰是水救渴難望亦云必死之病世醫拱
 手無始不是佛莫作佛解佛是救生邊藥無病不要
 喫藥之病俱消喻如清水佛似甘草和水亦似蜜和
 水極是甘美若同清水邊數即不著不是無是本有
 亦云此理是諸人本有諸佛菩薩喚作示珠人從來
 不是箇物不用知渠解渠不用是渠非渠但割斷兩
 頭句割斷有句不有句割斷無句不無句兩頭跡不
 現兩頭捉汝不著量數管汝不得不是欠少不是具

足非凡非聖非明非暗不是有知不是無知不是繫
 縛不是解脫不是一切名目何以不是實語若為雕
 琢虛空作得佛相貌若為說道虛虛空是青黃赤白作
 得如云法無有比無可喻故法身無為不墮諸數故
 云聖體無名不可說如實理空門難湊喻如太末虫
 處人能泊唯不能泊於火燄之上眾生亦尔處人能
 緣唯不能緣於般若之上參善知識求覓一知一知
 一解是善知識魔生語見故若發四弘誓願入度一
 切眾生盡然後我始成佛是菩薩法智魔智願不相
 捨故若持齋戒修禪學慧是有漏善根縱然坐道場

示現成等正學覺度恒沙數人盡證辟支佛果是善根
 魔起貪著故若於諸法都無貪染神理獨存住甚深
 禪定更不昇進是三昧魔久耽耽故至上涅槃離欲
 寂靜是魔業若智慧脫若干魔網不去縱解百本圍
 陀經盡是地獄滓若覓如佛相似無有是處如今聞
 說不著一切善惡有無等法即為墮空不知棄本逐
 末却墮空也求佛求菩提及一切有無等法是棄
 本逐末祇如今麤食斃命補破透寒渴即掬水喫餘
 外但是一切有無等法都無纖毫繫念此人漸有輕
 明分善知識不執有不執無脫得十句魔語出語不

繫縛人所有言說不自稱師說如谷響言滿天下無口過堪依止若道我能說能解說我是和尚汝是弟子者同於魔說無端說道目擊道存是佛不是佛是菩提涅槃解脫等無端說一知一解見舉一手豎一指云是禪是道者箇語繫縛人未有住時祇是重增比在繩索縱然不說亦有口過寧作心師小師於心不了義教有人天師有導師了義教中不為人天師不師於法未能依得玄鑒且依得了義教猶有相親分若是不了義教祇合聾俗人前說祇如今但不依住一切有無諸法亦不住無依住亦不作不依住知

解是名大善知識亦云唯佛一人是大善知識為無兩人餘者盡名外道亦名魔說如今祇是說破兩頭向一切有無等法但莫貪染及解縛之事無別語句教人若道別有語句教人別有法與人者此名外道亦名魔說須識了義教不了義教語須識遮語不遮語須識生死語須識藥病語須識逆順喻語須識總別語說道修行得佛有修有證是心是佛即心即佛是佛說定不了義教語是不遮語是總語是升合擔語是揀法邊語是順喻語是死語是凡夫前語不許修行得佛無修無證非心佛非亦是佛說是了

義教語是遮語是別語是百石擔語是三乘教外語
是逆喻語是揀淨法邊語是生語是地位人前語從
須陀洹向上直至十地但有語句盡屬不了義教了義
語句盡屬煩惱邊收但有語句盡屬不了義教了義
教是持不了義教是犯佛地無持犯了義教了義教
盡不許也從苗辨地從濁辨清穢如今鑒覺若從清
邊數鑒覺亦不是清不鑒覺亦不是清亦不是不清
亦不是聖亦不是不聖亦不是見水濁說水濁過患
水若清都無可說大却濁他水若有無問之問亦有
無說之說佛不為佛說法平等真如法界無佛不度

衆生佛不住佛名真福田須辨主客語貪染一切有
無境法被一切有無境惑亂自心是魔王照用屬魔
民祇如今鑒覺但不依住一切有無諸法世間出世
間法亦不作不依住知解亦不依住無依住知解自
心是佛照用屬菩薩心大是主宰照用屬客塵如波
說水照萬像以無功若能寂照不自玄旨自然貫穿
古今如云神無照功至功常存能一切處為導師衆
生性識他為未嘗蹋佛階梯是繃膠性多時黏著有
無諸法乍喫玄旨藥不得乍聞格外語他信不及所
以菩提樹下三七日默然思惟智慧冥勝難說無可

此喻說眾生佛有性亦謗佛法僧說眾生無佛性亦謗佛法僧若言有佛性名執著謗若言無佛性名虛妄謗如云說佛性有則增益謗說佛性無則損減謗說佛性亦有亦無則違謗說佛性非有非無則戲論謗始欲不說眾生無解脫之期始欲說之眾生又隨語生解益少損多故云我寧不說法疾入於涅槃向後返尋過夫諸佛皆說三乘法向後假說假立名字本不是佛向渠說是佛本不是菩提向渠說是菩提涅槃解脫等知渠擔百石擔不起且與渠一升一合擔知渠難信了義教且與渠說不了義教且得善

法流行亦勝於惡法善果限滿惡果便到得佛則有眾生到得涅槃則有生死到得明則有暗到但是有漏因果翻覆無有不相酬者若欲免見翻覆之事但割斷兩頭句量數管不着不佛不眾生不親不疎不高不下不平下去不來但不著文字隔渠兩頭捉汝不得免若樂相形免明暗相酬實理真實亦不真實虛妄亦不虛妄不是量數物喻如虛空不可修治若心有少許作解即被量數管著亦如卦非被金木水火土籍亦如繃膠五處俱黏魔王捉得自在還家夫教語皆三句相連初中後善初直須教渠發善

心中破善心後始明好善菩薩即非菩薩是名菩薩
法非法非六法物與磨也若祇說一句令眾生入地
獄若三句一時說渠自入地獄不干教主事說道如
今鑑覺是自己佛是初善不守住如今鑒覺是中善
亦不作不守住知解是後善如前屬然燈後佛祇是
不凡亦不聖莫錯說佛佛非凡非聖此土初祖云無
能無聖為佛聖若言佛聖者祇何九品精靈龍畜之
類及釋梵等皆能通變上品精靈亦知古今百劫時
事豈得是佛如阿修羅王身極長大敵兩倍須彌山
與帝釋戰時知力不如領五萬兵衆入藕絲孔裏藏

通變辯才不火他且不是佛教語節級奢緩墜降不
同未悟未解時名貪瞋悟了喚作佛慧故云不異舊
時人祇異舊時行履處處斬草伐木掘地墾土無有
罪報相否師云不得定言有罪亦不得定言不罪有
罪無罪事在常人若貪染一切有無等法有取捨心
在透三句不過此人定言有罪若透三句外心如虛
空亦莫作虛空想此人定言無罪又云罪若作了道
不見有罪無有是處若不作罪道有罪亦無有是處
如律中本迷殺人及轉相殺尚不得殺罪何況禪宗
下相承心如虛空不停留一物亦無虛空相將罪何

處安著亦名禪道不用修但莫汚染亦云但融冶表
裡心盡即得亦云但約照境祇如今照一切有無等
法都無貪取亦莫取著亦云合與麼學人似浣垢衣
人是本有垢是外來聞說一切有無聲色如似垢膩
都莫將心湊泊菩提樹下三十二相八十種好屬色
十二分教屬聲祇如今截斷一切有無聲色流過心
如虛空相似合與麼學如救頭然始得臨命終時尋
舊熟路行尚不徹到與麼時新調始學如何了得臨
終之際所有習念盡為勝境現前随心所愛重先
受祇如今不作惡事當此之時亦無惡境縱有惡境

亦變成好境若怕臨終之時憶在不得自由即須如
今便自由始得祇如今於一境法都無愛染亦莫
依住知解便是自由人如今是因臨終是果人業已
現如何怕得怕是古今古若有今人亦有古人若有
佛今亦有佛如今若得自至未來際得祇如今一念
一念不被一切有無等法管自古自今佛祇是人人
祇是佛亦是三昧定不用將定入定不用將禪想禪
不用將佛覓佛如云法不求法不得法不行法
六不見法自然得法不以得更得所以菩薩應如是
正念諸法罄然獨存亦無知獨存之法智性自如人

非因所置亦名體結亦名體集是是智知是是識不
絕思量處凝寂體盡付度永亡如海大流盡波浪不
復生亦云如大海水無風而大之波忽知而大之波
此是細中之麤亡知於知還如細中之細是佛境界
從此初知名三昧之頂亦名三昧王亦名爾炏智出
生一切諸三昧灌一切諸法王子頂於一切色聲香
味觸法刹土成等正覺內外通達悉無有礙一色一
塵一佛一色一切佛一切色一切塵一切佛一切色
聲香味觸法亦復如是一一徧滿一切刹土此是細
中之麤是善境界是一切上流知覺聞見亦是一切

上流出生入死度一切有無等法是上流所說亦是
上流涅槃是無上道是無等不_二是第一之說於諸
說中最為甚深無人能到諸佛護念猶如清波能說
一切水清濁深流廣人之用諸佛護念行住坐卧若
能如是我時為現清淨光明身又云如汝自等語等
我亦如然一佛刹聲一佛刹香一佛刹味一佛刹觸
一佛刹事悉皆如是從此上至蓮華藏世界縱廣摠
皆如是若守初知為解名頂結亦名隨頂結是一切
塵勞之根本自生知見無繩自縛所知故繫世有二
十五又散一切諸煩惱門縛者於他此初知二乘見

之名爲爾。皎識亦名微細煩惱。便即斷除。既得斷已。名爲迴神。住空窟亦名三昧。酒所醉亦名解脫。魔所縛世界成壞。定力所持。漏向別國土。都不覺知。亦名解脫。深坑可畏之處。菩薩悉皆遠離。夫讀經者。教語言皆須宛轉歸就自己。但是一切言教。祇明如今。鑑覺自性。但不被一切有無諸境轉。是汝導師能照破一切有無諸境。是金剛慧。却有自由獨立。分若不能與麼會得。縱然誦得十二圍陀典。積成箇增上慢。却是謗佛。不是修行。但離一切聲香。亦不住於離。亦不住於知解。是修行。讀經看教。若津世間是好事。若向

明理人邊。數此是墮塞人。十地之人。脫不去。流入生死河。但是三乘教。皆治貪瞋等病。祇如今念。若若有貪瞋等病。先須治之。不用覓義句。知解知解。屬貪火却變成病。祇如今但離一切有無諸法。亦離於離。透過三句外。自然與佛無差。既自見佛。何慮佛不解語。祇恐不是佛。被有無諸法縛。不特自由。是以理未立。先有福智。被福智戴。如錢如費。不如先立理。後有福智。若要福智。臨時作得。撮金成土。撮土爲金。變海水爲醃酪。碎瓊玞爲微塵。撮四大海水入一毛孔。於一義作無量義。於無量義作一義。亦云失脚作轉輪王。

今四天下人一日行十善此福智猶不能算自己鑑
覺名王緣念著有無諸法名轉輪王祇如今於藏腑
中都不納一切有無等法離四句外名空入名不死
藥為喚前王名不死藥雖云不死藥與王共服亦非
二物亦非一物若作一二解亦名轉輪王祇如今有
人以福智四事供養四百萬億阿僧祇世界六趣四
生隨其所欲滿八十年已後作是念然此衆生皆已
衰老我當以佛法而訓導之令得須陀洹果乃至阿
羅漢道如是施主但施衆生一切樂具功德尚自無
量何況令得須陀洹果乃至阿羅漢道功德無量無

邊猶不如第五十八聞經隨喜功德報恩經云摩耶
夫人生五百太子盡得辟支佛果而皆滅度各人起
塔供養一人禮拜歎言不如生於一子得無上菩提
省我心力祇如今於百千萬衆中有一人得者價直
三千大千世界所以常勸衆人須念解自理自理若
念使得福智如貴使賤亦如無住車若守此作解名
髻中珠亦各有價寶珠亦名運糞入若不守此為解
如玉髻中明珠與之亦名無價大寶亦名運糞出佛
直是纏外人却來纏內與麼作佛直是生死那邊人
直是直絕那邊人却來向者岸與麼作佛人及獼猴

俱不能行人喻十地菩薩獼狌喻於凡夫讀經者教
取一切知解不是一向不許解得三乘教善得瓔珞
莊嚴具得三十二相窟宅竟佛即不得教云就著小
乘三藏學者猶不許親近何況自為是破戒比丘名
字羅漢沮槃經中被配入十六惡律儀中同於敏獵
漁捕為利養故殺害大乘方等猶如甘露亦如毒藥
銷得去如甘露銷不去如毒藥讀經看教若不解他
生死語決定透他義句不過莫讀最第一亦云須看
教亦須參善知識第一須自有眼須辨他生死語始
得若辨白不得決定透不過祇是重增比丘繩索所

以教學玄旨人不遣如_下文字讀_上云說體不說相說義
不說文如是說者名真說若說文字皆是誹謗是名
邪說菩薩若說當如法說亦名真說當令眾生持心
不持事持行不持法說人不說字說義_不說文說道
欲界無禪亦是帶一隻眼人語既云欲界無禪憑何
得至色界先因地土習二種定然後得至初禪有想
定無想定有想定生色界四禪等天無想定生無色
界四空等天欲界灼然無禪是色界問如今說此土
有禪如何非云不動不禪是如來禪離生禪想問如
何是有情無佛性無情有佛性師云從人至佛是聖

情執從人至地獄是凡情執祇如今但於凡聖二境
有染愛心是名有性無佛性祇如今但於凡聖二境
及一切有無諸法都無取捨心亦無入取捨知解是
名無情有佛性祇是無其情繫故名無情不同木石
太虛黃花翠竹之無情將為有佛性若言有者何故
經中不見受記西得成佛者祇如今鑑覺但不被有
情改變喻如翠竹無不應機無不知時喻如黃花又
云若踏佛階梯無情有佛性若未踏佛階梯有情無
佛性問大通智勝佛十劫坐道場佛法不現前不得
成佛道如何師云劫者滯也亦云住也住一善滯於

十善西國云佛此土云覺自己鑑覺滯著於善六根
人無佛性故云佛法不現前不得成佛道觸惡住惡
名眾生竟觸善住善名聲聞賢不住善惡二邊不依
住將為是者名二乘覺亦名辟支佛覺既不依住善
惡二邊亦不作不依住知解名菩薩覺既不依住亦
不作無依住知解始得名為佛覺如云佛不住佛名
真福田若於千萬人中忽有一人得者名無價寶能
於一切處為導師無佛意云是佛無法處云是法無
僧處云是僧名轉大法轉輪問從上祖宗皆有密語連
相傳授如何師云無有密語如來無有秘密藏祇如

今鑑覺語言分明覓形相了不可得是密語從須陀
洎向上直至十地但有語句盡屬法之塵垢但有語
句盡屬煩惱邊收但有語句盡屬不了義教但有語
句盡不許也了義教俱非也更計什麼密語問空生
大覺中如海一漚發如何師云空踰於漚海踰於性
自已靈覺之性過於虛空故云空生大覺中如海一
漚發問伐林莫伐樹如何師云林者喻於心樹者喻
於身因說林故生怖故云伐林莫伐樹問語也塚生
招箭言既塚生不得無患其累既同緇素何辨師云
但却發箭途中相拄如甚其相差心有所傷谷中尋響

累却無形響在口邊得失在於來問却問所歸還被
於箭亦如知幻不是幻三祖云不識玄旨徒勞念靜
亦云認物爲見如持瓦礫用將何爲若言不見木石
何殊是故見與不見二俱有失舉一例謂問本無煩惱
今有三十二相如何師云是佛邊事本有煩惱今有
三十二相我如今凡情是問無邊身菩薩不見邊來
頂相如何師云爲作有邊見無邊見所以不見如來
頂相我如今都無一切有無等見亦無不見是名頂
相現問如今沙門盡言我依佛教學一經一論一禪
一律一知一解合受檀越四事供養爲銷得否師云

但約如今照用一聲一色一香一味於一切有無諸
法一六境上都無纖塵取染亦不依住無取染亦無
不依住知解者箇人日食萬兩黃金亦能銷得祇如
今照一切有無等法於六根門頭刮削併當貪受有
纖毫治不去乃至乞施主一粒米一縷線箇人披毛
戴角牽犁負重一六須償他始得為不依佛人是無
著人無求人無依人於今波不貪覓佛盡皆背也故
云久親近於佛不識於佛性唯觀救世者輪迴六趣
中久乃見佛者為說佛難值文殊是七佛祖師亦云
是娑婆世界第一主首菩薩無端作見佛想聞法想

被佛威神力故猶降二鐵圍山他不是不解特與諸
學人作標則令諸後學人莫作學磨見聞但無一切
有無等法有無等見一六箇人透過三句外是名如
意寶是名寶華承足若作佛見法見但是一切有無
等見名眼翳見所見故亦名見纏亦名見蓋亦名見
藥^毒祇如今念人及一切見聞覺知及一切塵垢祛得
盡但是一塵一色惣是一佛但越一念惣是二佛三
世五陰念人誰知其數是名佛闍塞虛空是名分身
佛是名寶塔現是以常歎言嗟見今日所依之命依
一顆米一莖菜餉時不得食飢死不得水渴死不得

火寒死欠一日不生欠一日不死被四大把定不如
先達者入火不燒入水不溺儻要燒便燒要溺便溺
要生即生要死即死去住自由者箇人有自由分心
若不亂不用求佛求菩提涅槃若著佛求屬貪心變
成病故云佛病最難治謗佛謗法乃可取食人者是
自己靈覺性無漏飯解脫食此語治十地菩薩病是
從初至十地也祇如今但有一切求心盡名破戒比
丘名字羅漢盡名野干灼然銷他供養不得祇如今
聞聲如響等麁香如風等離一切有無等法亦不住
於離亦無不依住知解此人一切罪垢不能相累為

求無上菩提涅槃故名出家猶是邪願况乎世間諍
論覓勝負說我能我解貪一門徒愛一弟子戀一住
處結一檀越一衣一食一名一利又言我得一切無
礙祇是自離註祇如今能於自己五陰不為其主被人
割截節々支解都無怨怍之心亦不煩惱乃至自己
弟子被人鞭打從顯頭至足如上一人等事都無一念
生彼我心猶依住無一念將為是此名法塵垢十地
之人脫不去流入生死河所以常勸衆人須懼法塵
煩惱如懼三塗乃有獨立分假使有一法過於涅槃
者亦無少許生珍重想此人步々是佛不假腳踏蓮

華分身百億祗如今於一切有無等法有纖毫愛染
心縱然脚踏蓮華亦同魔作若執本清淨本解脫自
是佛自是禪道解者即屬自然外道若執因緣修成
證得者即屬因緣外道執有即屬常見外道執無即
屬斷見外道執亦有亦無即屬邊見外道執非有非
無即屬空見外道亦云愚癡外道祗如今但莫作佛
見涅槃等見都無一切有無等見亦無人見名正見
無一切聞亦無不聞名正聞是名摧伏外道無凡夫
魔來是大神咒無二乘魔來是大明咒無菩薩魔來
是無上咒乃至亦無佛魔來是無等咒一變眾生

誦曲脩羅二變二乘誦曲脩羅三變菩薩誦曲脩羅
是三變滄土但是一切有無凡聖等法喻如金鑛自
已如理喻如於金土與鑛各相去離真金露現忽有
人覓錢覓寶變金為錢與他亦如麩體真正無諸沙
鹵有人乞餅麩變為餅與他亦如智臣善解王意王
若行時索仙陀婆即便奉馬食時索仙陀婆即便奉
監此等喻學玄旨人善能通達應機不失亦云六絕
師子誌云隨人造作百變十地菩薩不飢不飽入
水不溺入火不燒儻要燒且不可得燒他被量數管
定佛則不與麼入火不燒儻要燒便燒要溺便溺他

使得四大風水自由一切色是佛色一切聲是佛聲
 自己滓穢諂曲心盡透過三句外得說此語菩薩清
 淨弟子明白所有言說不執無有一切照用不拘清
 淨有病不喫藥是愚人無病喫藥是聲聞人定執一
 法名定性聲聞一向多聞名增上慢聲聞知他名有
 學聲聞沉空滯寂及自知名無學聲聞貪瞋癡等是
 毒十二分教是藥毒未銷藥不得除無病喫藥人變
 成病人去藥不銷不生不滅是無常義涅槃經云有
 三惡欲一欲得四眾圍繞二欲得一切人為我門從
 三欲得一切人知我是聖人及阿羅漢又迦葉經云

一欲求見未來佛二欲求轉輪王三欲求刹刹大性
 四欲得婆羅門大性乃至厭生死求涅槃如是惡欲
 先須斷之祇如今但有取染心動念盡名惡欲盡屬
 六欲天捺被波旬管問二十年常令除糞如何師
 云但息一切有無知見但息一切貪求箇人透過三
 句外是名除糞祇如今求佛求菩提求一切有無等
 法是名運糞入不名運糞出祇如今作佛見作佛解
 但有所見所求所著盡名戲論之糞亦名麤言亦名
 死語如云大海不宿死死等閑說話不名戲論說辯
 清濁名戲論教文都捺有二十一一般空淘擇眾生塵

累沙門持齋持戒忍辱柔和慈悲喜捨尋常是僧家
法則會與麼死然依佛教紙是不許貪著依執若希
望得佛得菩提等法者似手觸火文殊云若起佛見
法見應當害已所以文殊執劍於瞿曇耆掘持刀於
釋氏如云菩薩行五無間而不入無間地獄他是去
通無間不同衆生五逆無間從波旬直至佛盡是垢
膩都無纖毫依執如是名二乘道况乎諍論竟勝負
說我能我解我名諍論僧不名無爲僧我如今但不
貪染一切有無諸法是名無生是名正信人著一切
法名信不具亦名信不圓亦名偏信不具故名一闡

提如今欲得驀直悟解但人法俱泯人法俱絕人法
俱空透三句外是名不隨諸數人者是信法者是戒
施聞惠等菩薩忍不成佛忍不作衆生忍不持戒忍
不破戒故云不持不犯智濁照清慧清識濁在佛名
照惠在菩薩名智在二乘及衆生邊名識亦名煩惱
在佛名果中說因在衆生名因中說果在佛名轉法
輪在衆生名法輪轉在菩薩名瓔珞莊嚴具在衆生
名五陰叢林在佛名本地無明是無明明故云無明
爲道體不同衆生暗蔽無明彼是所此是能彼是所
聞此是能聞不一不異不斷不常下來不去是生語

句字出教語句不明不暗不佛不眾生惣與麼也來
去斷常佛與眾生是死語徧不徧同異斷常等是外
道義般若波羅蜜是自己佛性亦云摩訶行摩訶是
大義行是乘義若守住自己知覺又成自然外道不
用守如今鑑覺不用別求佛若更別求又屬心緣外
道此土初祖云心有所是必有所非告貴一物則被
一物惑若重一物則被一物惑信被信惑不信又成
謗莫貴莫不貴莫信莫不信佛亦不是無為雖不是
無為又不是真實猶如虛空佛是七心眾生鑑覺多
鑑覺雖多他鑑覺清淨貪瞋鬼捉他不著佛是纏外

人無纖毫受取亦無六受取知解是名具足六度萬
行若要莊嚴具種種皆有如不要他不用亦不失他
使得因果福知自由是修行非是執勞負重喚作修
行却不與麼三身一體一體三身一者法身實相佛
法身佛不明不暗明暗屬幻化實相由對虛得名本
無一切名目如云佛身無為不墮諸數成佛戲蓋等
是外合檐語要從濁辨清得名故云實相法身佛是
名清淨法身毗盧遮那佛亦名虛空法身佛亦名大
圓鏡智亦名第八識亦名性宗亦名空宗亦名佛居
不淨不穢土亦名在窟師子亦名金剛後不智亦名

無垢檀亦名第一義空亦名玄旨三相云不識玄旨
徒勞念靜二報身佛菩提樹下佛亦名幻化佛亦名
相好佛亦名應身佛是名圓滿報身盧舍那佛亦名
平等性智亦名第七識亦名酬因答果佛同五十二
福那數同阿羅漢辟支佛同一切菩薩等同受生滅
等苦不同般生繫業等苦三化身佛祇如今於一切
有無諸法都無貪染亦無大染離四句外所有言說
辯才名化身佛是名千百億化身釋迦牟尼佛亦名
大神變亦名遊戲神通亦名妙觀察智亦名第六識
供養者淨三業前際無煩惱可斷中際無自性可守

後際無佛可成是三際斷是三業清淨是三輪空是
三檀空云何比丘給付於佛所謂不滿六根者亦名
莊嚴空無諸漏林檀莊嚴空無諸染花果莊嚴空無
佛眼約修行人法眼辨清濁亦不作辨清濁知解是
名乃至無眼寶積經云法身不可以見聞覺知求非
肉眼所見以無色故非天眼所見以無妄故非慧眼
所見以離相故非法眼所見以離諸行故非佛眼所
見以離諸識故若不作如是見是名佛見同色非形
色名真色同空非太虛名真空色空亦是藥病相治
語法界觀云不可言即色不即色亦不可言即空不

即空眼耳鼻舌身意不納一切有無諸法名轉入第七地七地菩薩不退七地向上三地菩薩心地明白易染說火即燒從色界向上布施是病慳貪是藥從色界向下慳貪是病布施是藥有作戒者割斷世間法但不身手作無過無作戒亦云無表戒亦云無滿戒但有舉心動念盡名破戒祇如今但不被一切有無諸境惑亂亦不依住不惑亂亦不依住知解是名徧學是名勤護念是名廣流布未悟未解時名母悟了名子亦無了悟解知解是名母子俱喪無善纏無惡纏無佛纏無眾生纏量數亦然乃至都無一切

量數纏故云佛是出纏過量人貪愛知解義句如母愛子唯多與兒酥喫清與不消都捨不知此語喻十地受人天尊貴煩惱生色界無色界禪定福樂煩惱不得自在神通飛騰隱顯徧至十方諸佛淨土聽法之煩惱學慈悲喜捨因緣煩惱學空平等中道煩惱學三明六通四無礙煩惱學大乘心發四弘誓願煩惱初地二地三地四地明解煩惱五地六地七地諸知見煩惱八地九地十地菩薩雙照二諦煩惱乃至學佛果百萬阿僧祇諸行煩惱唯貪義句知解不知却是繫縛煩惱故云見河能漂香象問見否答曰見

又問見後如何答曰見無二既云見無二不以見人
於見若見更見爲前見是爲後見是如云見人之時
見非是見人猶離見人不能及所以不行見法不行
聞法不行覺法諸佛疾與授記難曰見解既不是授記
之言復何用記師云先悟宗人不被一切有無諸法
相拘如浣垢衣故云離相名佛顯實盡不存中旨獨
玄人達一路同道後進契其階故云授記耳無明爲
父貪愛爲母自己是病還醫自己是藥自己是刀還
殺自己無明貪愛父母故云殺父害母一語類破一
切法喫非時食者亦復如何祇如今但是一切有無

等法盡是喫非時食也亦名惡食是穢食置於寶器
是破戒是妄語是雜食佛是無求人如今貪求一切
有無諸法但是所有所作皆背也却是謗佛但有貪
染盡名授手祇如今但不貪染亦不依住不貪染亦
無不依住知解是名般若火是燒手指是不惜軀命
是節支解是出世間是掌世界於他方祇如今若
於十二分教及一切有無諸法於藏腑中有纖毫停
留是出網但有所求所得但有生心動念盡名野
干秣如今於藏腑中都無所求都無所得此人是大
施主是師子吼亦不依住無所得亦無不依住知解

是名六絕師子人我不生諸惡不起是納須弥於芥
子中不起一切貪瞋八風等是悉能吸四大海水入
口中不受一切虛妄語言是不入耳中不令身起一
切惡於人是納一切火於腹中紙如今於境一切不
感不乱不瞋不喜於自己六根門頭刮削併常得淨
契劫是無事人勝一切知解頭陀精進是名天眼亦名
了照為眼是名法界性是作車載因果佛出世度衆
生則得前念不生後念莫續前念業謝名度衆生前
念若瞋即將喜藥治之即名為有佛度衆生但是一
切言教祇是治病為病不同藥亦不同所以有時說

有佛有時說無佛實語治病人若得瘥箇人是實語
治病若不瘥箇人是虛妄語實語是虛妄語生見故
虛妄是實語斷衆生顛倒故為病是虛妄祇有虛語
藥相治佛出世度衆生是九部教語是不了義教妄
瞋及喜病及藥惣是自己更無兩人何處有佛出世
何處有衆生可度如經云實無衆生得滅度者亦云
不愛佛菩薩不貪染有無語法名為度他亦不守住
自己名為自度為病不同藥亦不同處方不同不得
一向固執依佛依菩提等法盡是依方故之至於智
者不得一向教中所辨喻云黃葉亦如空拳誑小兒

若人不知此理名同無明云行般若菩薩不得取我
語及依教勅瞋如石頭愛如河水云如今但無瞋無
愛是透山河石壁直為治瞽俗病多聞辯說治眼病
從人至佛是得從人至地獄是失是非亦然三祖云
得失是非一時放却不執住一切有無諸法是名不
住有緣亦不依住不依住是名不住空忍執自己是
佛自己是禪道解者名內見執因緣修證而成者名
外見誌公云之內見外見俱錯眼耳鼻舌各人不貪染
一切有無諸法是名受持四句偈亦名四果六入無
迹亦名六通云我如今但不被一切有無諸法礙亦無

不依住知解是名神通不守此神通是名無神通如
云無神通菩薩足跡不可尋是佛向上人最不可思
議人是自己天是智照讚即喜々者屬境人是天讚
是人々天交接兩得相見亦云淨智為天正智為人
本不是佛向渠說是佛名體結云如今但莫作佛知
解亦無々不依住知解是名滅結亦名真如亦名體
如求佛求菩提名現身意云我如今但有一切求心盡
名現身意云求菩提雖是勝求重增塵累求佛是
佛衆求一切有無諸法是衆生衆云我如今鑑覺但不
依住一切有無諸法是不入衆數云我如今於一々聲

香味觸法等不愛於一六境不貪但無十句濁心是
了因成佛學文句竟解者名緣因成佛見佛知佛則
得說佛有知有見却是謗佛若云佛知佛見佛聞佛
說即得見火即得火見即不得如刀割物即得物割
刀即不得知佛人見佛人聞佛人說佛人如恒河沙
是佛知是佛見是佛聞是佛說萬中無一祇爲自無
眼依他作眼教中喚作比量智祇如今貪佛知解亦
是比量智世間譬喻是順喻不了義教了義教是順
喻是逆喻捨頭目髓腦是逆喻如今不愛佛菩提等
法是逆喻難捨喻於頭目髓腦如照著一切有無境

法名頭被一切有無境法相撓著名手都來照前境
時名髓腦聖地習凡因佛入衆生中同類誘引化導
同渠餓鬼肢節火然與渠說般若波羅蜜今渠發心
若一向在聖地憑何得至彼共渠語佛入諸類與衆
生作船筏同渠受苦無限勞極佛入苦處亦同衆生
受苦佛祇是去住自由不同衆生佛不是虛空受苦
何得不苦若說不苦此語違負等閑莫說錯說佛神
通自在不自在具慙愧人不敢說佛是有爲是無爲
不敢說佛自由不自由除讚藥方外不欲得露現兩
頭醜陋教云若人安佛菩提置有所是邊其人得大

罪亦云如下識佛人前向渠與磨說無過如無漏牛
乳能治有漏病其牛者不在高原不居下隰此牛乳
堪作藥高原喻於佛下隰喻於衆生如云如來實智
法身又無此病辨戈無礙昇騰自在不生不滅是名
生老病死疼痛瘡是暗喫菌叢患痢疾而終是暗
爲藏明頭迹明暗都遣莫取無取亦無取他不明
不暗王官生納耶輸陀羅八相成道聲聞外道妄想
所計如云非雜食身純陀云我知如來決定不受不
食第一須具兩隻眼照破兩頭事莫祇帶一隻眼向
一邊行更有那箇邊到功德天黑暗女相隨有智主

人二俱不受祇如今心如虛空相似學始有所成西
國高祖云雪山喻大涅槃此土初祖云心心々如木石
三相云兀爾忘緣曹溪云善惡都莫思量先師云如
迷人辨方所肇公云閉智塞聰獨覺冥々者矣文
殊云心同虛空故敬禮無所觀甚深修多羅不聞不
受持祇如今但是一切有無諸法都不見不聞六根
杜塞若能與麼學與麼持經始有修行分者箇語姓
耳苦口可中與麼作得至第二第三生能向無佛處
坐大道場示現成等正覺變惡爲善變善爲惡使惡
法教化十地菩薩使善法教化地獄餓鬼能向明處

解明縛能向暗處解暗縛撮金成土撮土成金百般
作得變弄自由於恒沙世界外有求救者婆伽婆即
披三十二相見其人前同渠語音與渠說法隨機感
化應物殊形變現諸趣離我人所猶屬彼邊事猶是
小用亦是佛事門中收大用者大身隱於無形大音
匿於希聲如木中之火如鐘鼓之聲因緣未具時不
可言其有無傍報生天棄之如涕唾菩薩六度萬行
如乘死屍過岸如在牢獄廁孔得出佛披三十二相
喚作垢膩之衣亦云若說佛一向不受五陰無有是
處佛不是虛空何得一向不受佛祇是去住自由不

同衆生從一天界至一天界從一佛刹至一佛刹諸
佛常法又云若據三乘教受他信施供養他在地獄
中菩薩行慈悲同類化導報恩不可常在涅槃又云
如火見火但莫手觸火不燒人祇如今但無十句濁
心貪心愛心染心瞋心執心住心依心著心取心戀
心但是一句各有三句箇不透過三句外但是一切
照用任聽縱橫但是一切舉動施爲語默啼笑盡是
佛慧

天聖廣燈錄卷九
 作得... 漸... 願... 必... 時... 中... 將... 同...



